

沈雲龍編輯

明清史料彙編

集九

第三冊

文海出版社
有限公司印行

兩朝從信錄序

臣懿典昔從史官後事

神宗皇帝時閣臣南充陳

文憲請修

國史臣實分其任會中

格不果

累朝業未竟

神廟登遐傳

光宗皇帝三旬遺澤薄海

悲號歷

熹宗皇帝七載賓天餘黎
戀慕凡頌述盛美者諒
已家擁貞珉人操椽筆
而金匱石室之藏旣不
輕下傳人間叢談襍家

之紀又尠可上參筆削

求其編年無漏叙事有

章燦然成一家言者迄

未易得此其故何居少

澤所聞朝家故實一憑

邸抄而省直流傳詳畧
已異其它遺散益復無
紀苟網羅或闕即薈萃
不光其難一也取材欲
博而義例欲簡多棄則

榱桷亦斷溝中賅存則
瓦礫何當席上三長所
重識莫先焉其難二也
朝廷是非得失之林甲
可乙否朝佞暮賢自匪

持平折衷何繇類若畫
一其難三也而以語于
兩朝則更有難焉者隱桓
則彰定哀則微自孔氏
著書不無避忌而今之

載列多屬生存即勇于
筆而健于舌其能皆直
達無婉轉乎此數年內
良未易有成書沈生國
元乃能殫見洽輦芟繁

舉要博采獨斷爲

兩朝從信錄四十卷介門

人吳生天泰以序請臣

9

自惟壯不如人討論之
志已付往事復安能爲

是編重也一再辭則沈
生固以請沈生先有

皇明從信錄自洪永至萬

曆稿創于辛酉歲刻竣
于丁卯春已不經走四

方時璫燄方張忌者幾
借以行勢是秋生試浙
闈感有異夢逾月而聞
今上自信邸入登大寶錄
堅志復爲是書因自言

其叙述洋纚惟靳徵信

褒譏參伍不介臆私即

或因方爲珪遇圓成璧

猶之垂堂飄瓦不來褊

心之怒虛船觸舷適同

無意之激其果若是則
雖序之庸何傷昔陳東
莞著通紀旣懸書累代
我郡支司理著

永

昭兩陵史亦貴紙一時彼
皆服官涉練退食餘間
詮次成編猶易爲力牛
雋才未售屈首治博士
家言則其專勿如家固

富于牙籤尚未獲弁觀
中秘盡讀左右史之紀
則其藉勿如而筆冢研
穴旋已脫稿且上下僅
七載而簡帙過于前編

經營止二碁而淹悉有
如舊業倘意在詳今斯
無妨軼古抑心存體國
不必若練都耶是編也
行無論弁陳東莞支武